

## **Емтихан алды практикалық жүргізу даярлығы қызметін көрсету туралы жария оферта**

Шарт Қазақстан Республикасында <https://booking.gov4c.kz> сайтында жасалған деп саналады.

Шарттың (жария офертаның) талаптарын қабылдас бұрын, оның талаптарымен мұқият танысыңыз. Шарттың (жария офертаның) талаптары бойынша қарсылықтар, күмәндар немесе сұрақтар болған жағдайда, Шарттың талаптарын қабылдамау және Орындаушының қызметтерін пайдаланудан бас тарту ұсынылады.

### **1. Жалпы ережелер**

1.1. Осы құжат «Азаматтарға арналған үкімет» мемлекеттік корпорациясы» коммерциялық емес акционерлік қоғамының, БСН 160440007161, заңды мекенжайы: Астана қаласы Нұра ауданы Керей, Жәнібек хандар көшесі, 4-ғимарат, бұдан әрі «Орындаушы» деп аталатын, емтихан алды практикалық жүргізу даярлығы қызметін (бұдан әрі - Қызметтер) көрсету шартын жасасу туралы ресми ұсынысы болып табылады.

1.2. Осы Офертаның шарттарына сәйкес Тапсырыс берушінің Қызметтерге ақы төлеу фактісі осы Офертаны толық және сөзсіз қабылдау (акцепт) болып табылады.

### **2. Оферта мәні**

2.1. Орындаушы Тапсырыс берушінің практикалық жүргізу дағдыларын алуы үшін автоматтандырылған автодром алаңына қолжетімділік бере отырып, емтихан алды практикалық жүргізу даярлығы қызметін көрсетуге міндеттенеді, ал Тапсырыс беруші аталған қызметтерге осы Офертаның шарттарына сәйкес ақы төлеуге міндеттенеді.

2.2. Қызмет көрсетуге өтінімді Тапсырыс беруші Орындаушының сайты арқылы <https://booking.gov4c.kz> мекенжай бойынша береді. Бұл сайтта Тапсырыс берушінің қызмет көрсету орны мен уақытын, көлік құралының түрін таңдап, қызметке ақы төлеу мүмкіндігі бар.

### **3. Көрсетілетін қызметтердің құны және есеп айырысу тәртібі**

3.1. Көрсетілетін қызметтердің жалпы құны Тапсырыс берушінің өтінімі бойынша таңдалған санатқа, уақытқа және тарифке байланысты айқындалады.

3.2. Санаттарға арналған тарифтер:

- «B», «B1» санаты: автодром бағыты бойынша бір толық айналым үшін 3700 теңге;

3.3. Қызметтерге ақы төлеуді Тапсырыс беруші Орындаушының сайты арқылы өтінім берген кезде қолма-қол ақшасыз жүргізеді.

3.4. Ақша қаражатын қайтару үшін Тапсырыс беруші қайтару себебін, шот нөмірін және қаражатты қайтаруға деректемелерді көрсете отырып, Орындаушының филиалына жазбаша өтініш беруі тиіс.

3.5. Ақша қаражатын қайтару өтінішті алғаннан кейін 15 жұмыс күні ішінде жүргізіледі.

#### **4. Тараптардың құқықтары мен міндеттері**

##### **4.1. Орындаушы міндеттенеді:**

- 1) практикалық жүргізу даярлау бойынша сапалы қызметтер көрсетуге;
- 2) қауіпсіздік құралдарымен жарақтандырылған техникалық жарамды көлік құралының болуын қамтамасыз етуге;
- 3) мерзімдерді сақтауға және кестедегі кез келген өзгерістер туралы ескертуге;
- 4) Тапсырыс берушінің дербес деректерінің құпиялылығына кепілдік беруге;
- 5) қызметтер көрсету қағидалары мен рәсімдері туралы барлық қажетті ақпаратты беруге;
- 6) Тапсырыс берушінің өтініштерін белгіленген мерзімде қарауға міндеттенеді.

##### **4.2. Орындаушы құқылы:**

- 1) көрсетілген қызметтер үшін уақытылы ақы төлеуді талап етуге;
- 2) Тапсырыс берушіні алдын ала хабардар ете отырып, қызметтер көрсету шарттарын өзгертуге;
- 3) форс-мажорлық мән-жайлар кезінде қызметтер көрсетуді тоқтата тұруға үзуге немесе өтінімнің күшін жоюға;
- 4) Тапсырыс берушіден қызмет көрсету үшін қажетті ақпарат пен құжаттарды алуға құқылы.

##### **4.3. Офертаны қабылдаған Тапсырыс беруші міндеттенеді:**

- 1) осы Офертаның шарттарына сәйкес көрсетілетін қызметтерге уақытылы ақы төлеуге;
- 2) Орындаушыға қызмет көрсету үшін талап етілетін барлық қажетті деректер мен құжаттарды (жеке куәлік, цифрлық талон, SMS-код растау) ұсынуға;
- 3) қызметтің белгіленген кестесін сақтауға және кез келген өзгерістер туралы Орындаушыны уақытылы хабардар етуге;
- 4) практикалық сабақтар кезінде нұсқаушының нұсқаулары мен ұсынымдарын орындауға және жол қозғалысы ережелерін сақтауға;
- 5) көлік құралын қызмет көрсетуге байланысты емес мақсаттарда пайдаланбауға және зақымданулар мен бұзылуларды болдырмай, оны ұқыпты ұстауға;
- 6) «электрондық үкімет» порталының мобильдік азаматтар базасында тіркелген абоненттік ұялы байланыс құрылғысына алынған SMS-код арқылы көрсетілген қызметтер актісіне қол қоюға міндеттенеді.

##### **4.4. Тапсырыс беруші құқылы:**

- 1) Офертаның шарттары мен қағидаларына сәйкес қызметтерді алуға;
- 2) Орындаушыдан міндеттемелерді белгіленген мерзімде және мәлімделген сапаға сәйкес орындауды талап етуге;
- 3) Орындаушы ұсынатын қызметтер туралы толық және анық ақпарат алуға;

4) қызметтер орындалмаған жағдайда, төлемді немесе төлемнің бір бөлігін қайтаруды талап етуге құқылы.

## **5. Тараптардың жауапкершілігі**

5.1. Тараптар Қазақстан Республикасының қолданыстағы заңнамасына сәйкес Шарт талаптарын орындамағаны немесе тиісінше орындамағаны үшін жауаптылықта болады.

5.2. Тапсырыс берушінің кінәсінен авариялық жағдай немесе жол-көлік оқиғасы (бордюрге соғылу, шұғыл тежеу және т.б.) туындаған кезде Тапсырыс беруші Қазақстан Республикасының қолданыстағы заңнамасына сәйкес залалды өтеу бойынша жауапты болады.

## **6. Форс-мажор**

6.1. Тараптардың ешқайсысы шарт бойынша өз міндеттемелерін дүлей зілзалалар, соғыстар, терроризм актілері, эпидемиялар, ауыр апаттар және мемлекеттік органдардың іс-әрекеттерін қоса алғанда, форс-мажорлық мән-жайлардың салдарынан орындамағаны үшін жауаптылықта болмайды. Мұндай мән-жайлар туындаған жағдайда, шарт бойынша міндеттемелерді орындау мерзімдері форс-мажорлық мән-жайлардың қолданылу кезеңіне кейінге қалдырылады.

## **7. Жарамдылық мерзімі**

7.1. Осы Оферта Тапсырыс беруші берген өтінімде көрсетілген қызмет көрсету жөніндегі міндеттемелер толық орындалғанға дейін қолданылады.

## **8. Дербес деректерді өңдеуге келісім**

8.1. Тапсырыс беруші осы Офертаны қабылдай отырып, Орындаушының өзінің дербес деректерін, оның ішінде, бірақ бұнымен шектелмейді: аты-жөні, байланыс деректері, сәйкестендіру нөмірлері, төлемдер туралы деректер және осы Шарт бойынша міндеттемелерді орындау үшін Тапсырыс беруші ұсынған басқа да ақпаратты жинауға, сақтауға және өңдеуге келісімін білдіреді.

8.2. Дербес деректерді өңдеуге келісім, егер заңнамада өзгеше көзделмесе, осы Шарт бойынша міндеттемелерді орындаудың барлық кезеңінде және ол аяқталғаннан кейін 3 жыл бойы қолданылады.

## **9. Басқа талаптар**

9.1. Егер Офертаның қандай да бір тармағы жарамсыз болып қалса немесе Қазақстан Республикасының заңнамасына қайшы келсе, ол басқа тармақтардың жарамдылығын қозғамай, алынып тасталады немесе ауыстырылады. Өзгерістер енгізілгенге дейін қолданыстағы заңнаманы басшылыққа алу керек.